

玉茗堂全集

玉茗堂全集

臨川義仍湯顯祖著

詩

七言古

送趙中合量移東歸并寄大勞僧

舍人鳳閣何爲者經年逐賊黃山下青幃繡甲
雙矛英百金轡絡千金馬愛收圖史開心句雅

詩

四卷

一

能吳語對懽儂可憐人馬一時瘦還憶曲臺初
過從年少年來新曉事又向大梁稱小吏舟楫
心搖白下亭衣冠眼熟長干寺不能兄弟去觀
濤且臨風物共登高歸看蓬萊幾清淺爲問神
僧東海勞

送袁滄州

十載披衣遊俠場朱樓四望臨清觴
不恩單柳

低煙碧御宿含花迥日光花光柳碧城南北青
槐馳道如髮直餘曲長留春暮情新粧似鄴朝
霞色就中有客賦蕪城美人滿堂予目成藹似
芳洲遠杜若悄如幽澗落松聲文章不到金華
殿旌麾却向黃岩縣簿領關心君不問章服籠
身我非羨羨君雙鳥近名山雁蕩天台委羽間
香草千名岩窈窕靈泉百道月濤濤何爲不向

龍湫發似畏惡溪莓徑滑動道桂枝青蹇愴忽
嘆蘭叢翠凋歌銷香點白世人情翠羽金膏不
厭行君到楚山時極目江湖歷歷覓孤征京闕
重逢霽煙雪爲子酣歌劍花折波間遊子借遑
翅陌上春風愛離別春風蘭舫拂滄州袁公重
上觀臺遊爲看明姑青鬢色海塵飛盡莫須愁

金陵歌送張幼于兼問伯起

金陵花月散江空可憐六代多離宮潮去潮來
都應月花開花落等隨風真人握鏡開神烈便
作神臯賜金策二百餘年天下清往往將軍禮
逢掖蕭帝高居俯絳河金碧詞人闕下多一日
興成罷宮觀詞人四海空勞歌佳麗南都足風
景浪客紛紜難記省挾策時過驃騎航調絃半
逐胭脂井張君別自老詞場兄弟三張此二張

昔歲過君樽乍吐是日逢君菊有芳
芳花幾度勞攀折晏歲崢嶸難具說
古稱遊子澹忘歸可耐思歸告離別
相逢相別不相難傲吏清時也閑闌
最愛君家張仲蔚滿徑蓬蒿不出山

遙和諸郎夜過桃葉渡

諸公紛紛去何所隔岸熒熒高燭舉
若非去挾秦家妹定是將偷邛市女
一從西蜀老王孫千

騎東方總不論也。乏使君呼共載也。無遊女解
宵奔無緣。此屬翩連去。飄飄擘擘。知何處翠納
香奩。夜著人絳蠟。清笙幾回。曙當時。我亦俊人
羣。情如秋水。氣如雲。有酒誰家。惜酣暢。饒花是
處。怯離分。如今兩鬢。籠紗帽。輕煙澹粉。何曾到
眼看。請公淹夜遊。心知此事。從誰道。衙齋獨宿
清漢斜燈影。籠窻半落花。拚不風流長睡去。却

持殘夢到他家

送前宜春理徐茂吳

西湖徐君美如此耿耿來渡江水微颺木葉
江波生皓露芙蓉秋色死秋色連山客早悲倍
憶離鴻江月時舊罷鈴陽醉煙柳動道宜春春
不宜豫意城面江水清片雨疎花石蘭館獻賦
誰知錦組文題書虛道珠盈椀一別蒼洲聞白

雲金臺暑路忽逢君祇合飛冤填北海那堪解
慍出南薰芳華暮塵辭青瑣及子風流度江左
孤亭水樹別留人別道煙霞須着我我邊知我
若逢君鄉處相鄉自有人無事南湖催送槩扁
舟小婦好隨身莫嫌小婦恒隨從茗碗香鑪朝
夕供風雨離騷秋暮行荃蘭墨妙連舟重去去
西湖蕭鼓陳香絲艷粉逐年新不惜風流頻取

醉君來看見六朝人

懷戴四明先生并問屠長卿

八月十日到官寺是日臨齋多所思明堂碧海
舊經遊復道香街始爲吏三日南雍拜聖人爐
煙闕道青璘珣四明戴公昔臨吹金尊寶瑟殊
清真東堂罷講西窻竹愛聽蕭蕭長此宿早時
風雨上孤亭殘尊宛轉夜三更忽報金塘蓮半

吐遶塘銀燭看花行行屈折掀圖畫煙波清
壁濛濛挂如此風流自可人禮法之人閒見嘆
世事英豪能拂手雪竇春泉宜醞酒不知漁父
醉曾無却道次公狂似有似有人兮華頂陰我
欲從之雲氣深清寒剡溪歷九曲藤花倒影搖
千尋光陰幾處愁情動衣冠黯淡臨門送山下
常聞鸞鳳音樓上能爲金石弄稊愁吟弄愜幽

心秀骨清容鶴在林綠荷灘畔花開賞新婦岩
前月映臨闌花映月同誰子諸賓幾許能玄史
赤水之珠屠長鄉風波宕跌還鄉里豈有妖姬
解寫姿豈有狡童解咏詩機邊折齒寧妨穠鬢
裡挑心是絕癡古來才子多嬌縱直取歌篇足
彈誦情知宋玉有微詞不道相如爲侍從此君
淪放益翩翩好共登山臨水邊眼見貴人多臥

閣看師遊宴卽神僊

送內方山人還天台

滄海冥冥吹遠松青霞片片生殘峰括山一萬
六千丈山人一室蔥翠濃南連委羽紛靈聖金
芝翠籥玲瓏映四明雲日自開窻五縣山川若
搖鏡山人原合住山間每怪山人不住山我夢
天台無羽翼空歌積雪送君還

詩

四卷 七

送許伯厚歸長水便過吳訪趙公

青雲繽紛眼前起勝氣凌空差可喜見說君才
二十餘我三十餘只如此嬌奢不服吳王孫節
俠還從趙公子家移彈鋏有千秋路入盤桃知
幾里心知年少足風流江上梅花雪夜舟別後
春光若惜憶爲上湖南煙雨樓

雪中再贈伯厚

綠玉之華青雪英高堂一素多寒聲向人白日
抵欲睡與君遠曙非平生片席吳江風欲颺深
杯急燭談逾壯知己全看一劍中通人不在千
篇上世人重別本紛紛今日酣歌一送君定道
師文能下雪還念秦青有過雲

金壇歌贈王悅之從焦弱侯所徙太常東
署側

詩

四卷 八

金壇富家金作盆王生鄧生不到門王生背秋
來過我左拍黃卿右兩孫中坐但言世交薄添
花敗葉度寒溫家貧鬪養妹未嫁有屋讓弟供
鬻昏昔有仲華爲友娶于生贈妾風義存過江
讀書苦乏絕借住焦先花竹園采葛成衣葛枯
死采葵成食傷葵根秋清播落已如此歲晏罽
嶮寧可言我聞此語長太息爲借開房與裝飾

雨雪寧并左伯衣日暮還須故人食王生且坐
讀書詩珠桂如山我酬直黃生孫生苦饒興時
時過我酒可得君不見江東男子有饑寒江西
壯士無顏色

倭王刀子歌答丁右武

丁家次卿有寶刀海氣熒熒秋色高可是三年
綠煙裡精華落盡底吹毫闡道海王昔鑄此擊

詩

四卷

九

鼓童男祀刀子抽驚片電流人目繞怯纖水墮
寒指君今花刀當贈誰與君對江心不疑處處
從行足知己一片床前光陸離

夜聽鄧孺孝說山水

終日他鄉作遊子到處不曾離屋底鄧生爾時
何許來罷酒彈燈說山水吾家最近三茅君我
家貫首鱷峰雲山水眼前人不住遙山遠水篔

何云

聽說迎春歌

帝里迎春春最近
年少尋春春有分
可憐無分
晉春人忽聽
言來聞借問
始知簾戶
卽驚春爽
蓮粧樓相映
新樓前
子弟多
春日樓上
春人最
着人

立春日憶孫生

詩

四卷

十

孫生本是山東美，却似江東作鄉里。惜別何時
遊故人，吳歛半入新安水。水上寒雲暗不流，片
片雪花吹錦裘。似有金尊映明燭，日暮留君君
不留。留君不住祇愁人，別後年光一色新。莫論
明日爲人日，且道今春已立春。

黃卿歸廬江

朝野何歸歸斗城，紫蓬星高黃道明。黃家俊異

有五子中有一子字荆卿心愛荆卿卽爲字玉
生孫生次第至盡日橫遊輕薄篇追風直上英
雄記風心彷彿正堪攀却送春江少婦還香氣
氛氳箏笛滄茫聲婉戀鳳凰山氛氳婉戀無窮
已交態間情良有以春來君去卽應愁春去君
來殊未擬來來去去出風流輕衫細帽紫華騶
花燈不信吹橫笛寒食能來鬪綵毬

詩

四卷 十二

送胡山人歸楚依朱子得

山人何處姑蘇客。蚤歲避兵居楚澤。年來却號
太形人。主人覃懷二千石。有書數寄覃懷君。山
陽報書差一闕。桂林蘭署吐金約。何得冷却鱗
峰雲。爲問山人老何預。冰霜遠寄無人處。伏枕
寧知春蚤來。歸裝數被歡持去。花下乘舟興欲
殘。春陰江上綠。無寒但可解。貂裘客辭何當推。

劍與君彈昨夜函
窻起離色滅燭猶
談張相國
數尺枌梧已作薪
一門桃李俄成棘
春宮歲鳩
事悠悠眼底山人
有一丘爲過滄浪
垂釣處煙
波能得幾人遊

送祁羨仲訪琅琊丁太僕

汝家羅浮煙月深
青衫笑拂梅花琴
明珠珊瑚
亦何有海上蕭條
遊俠久遊子蕭條
白雲飛琅

邛之人先編衣幾度寸心橫夜語能餐秀色臨
春暉昨許佩刀曾寄與直似精靈夜飛楚半燭
燕姬胡帕頭對此啾啾作燕語男兒生不遇風
塵酒婦人中頷此身一擲蛾眉能百萬看君似
是有心人

春酒篇寄帥思南

憶昨遊吳正秋月桂樹芬蘊遠難撥流光闌闌

轉春風江上梅花動紅雪忽憶荆江水前行
春太守習風煙擊鼓半喧蠻部樂唱歌催斲漢
人田太守能文有風性時時臥閣能清淨無煩
問訊說神明但道移書知種姓黔中徵外若椒
蘭何如漢署老祠官已道清明書著疏空驚正
旦酒留殘每向長陵斟玉盞便似長安沽素漣
此時駘蕩客傷心舊日登臨人在眼眼中人物

悵春盃定解春池倒載回况復南中多鬪法無
事東朝給酒媒

送俞采弁示姑熟子弟

采汶叔自鹿生
賢豪人也悲之

遊子常年風性高龍生地主垂干旄絳帳後堂
延弟子春裝別墅擁賢豪何處山川不留飲何
處風光能薦寢花落時粘縹綠箋杯醜只污蒲
桃錦爾時問井多懽娛爾家弟兄猶讀書長星

出天十年內經過舊地百不如江上更番起落
隊河南學館今蕪廢地主才高落網羅門生幾
盡歸闔闔君家少父識人稀白鹿騰空人事非
頻年落第常留醉幾夜浮橋獨送歸此情此日
堪憐處故人上官得陵署從今見憶直須來幾
日相過那便去春酒春燈花月深離愁今夕動
春心親知報李非無玉直笑栽桃未有陰

送臧晉叔請歸湖上時唐仁卿以談道貶

同日出關

并寄晉長卿江外

君門如水亦如市直爲風煙能滿紙長卿曾誤
宋東隣晉叔詎憐周小史自古飛簪說後遊一
官難道減風流深燈夜雨宜殘局淺草春風恣
蹴毬楊柳花飛還顧渚箬酒茗魚湏判汝興劇
書成舞笑人狂來畫出挑心女仍聞賓從日紛

絃會自離披一送君却笑磨生同日貶一時
穀竟何云

觀趙郭里小圖爲汾源郎中作

大原渡江入西越盡寫家山白雲闕去年臥閣
披此圖展轉續繕意難歇心知不是桃源路直
是玲瓏杏花簇野客留連芳樹陰闔人候望新
橋月河橋月出樹陰開楊柳灣西映淺苔漁歌

詩

四卷

十五

暝泛橫潭竹牧笛春殘半樹梅梅花隱隱雲
霏西翠樓邊啓竹扉蚤覺煙綃動玄勝况乃卜
築臨清暉清暉古寺寒鐘影經臺半出西南嶺
粗知到漑近禪林却笑潛安長騎省君家上世
每逢僊賣藥藏書此洞天蚤晚過遊草市里春
秋得上斜林汗君不見語兒溪邊女兒語越國
夫人越溪女又不見石門帳殿起烽煙中洲一

地小如錢何似洛川諸父老長年如壽太平年

別光祿周公

詩弘祖

光祿大夫奉常士在昔符卿孝廉子曾遊此地
醉飛花今日飛花復遊此戴公蕭散帥即真酒
子駘宕風雲新煙波出沒邈難見我亦簪裾纏
此身正喜君來君亦病交情吏迹恒難弁併知
世業改容華爲惜流光與明鏡

僊蒲靈松二篇爲畢太宰作太宰石球人
以五日生時以司農徵

蕤賓五日承暉慶詔赴三台肅朝命須經浦口
競華舟爲覽江心躍明鏡江臯節物紫茸芳剝
取僊蒲泛玉漿見說生辰逢艾節懸知出世御
蘭湯呈流嶽降真竒詭異雀靈鷄對飛止高門
昔說孟嘗君盡省今推胡伯始明年賜扇已佳

辰宮縷千絲續命新爲報尚書班扈正兼權漢
綵示農人

三峰秀嶽撫靈松九曲長林御積風幾見竹花
吹粉礫曾看柏葉改梧桐何如此樹標齡節謚
鬱蕭疎殊可悅偃蓋全棲寶柱雲樛枝細拂金
城雪尚書當日盼庭柯爲想山中蔭女蘿誰道
桂枝攀偃蹇不令槐樹對婆娑喜司徒符昔

夢行臺并發春花送洛陽丹漆自薰香直取真
心作梁棟

帝雱篤宿陵下作

軒帝十二紀乾靈玉燭調輝寶露零胡門忽斷
江河色秘室遙占雲雨星初冬涉夏雱龍見帝
闔無青悲赤縣浪說行春杏葉困空思避暑美
蓉殿邂逅陽門欲縱陰蒼葱斗氣不乘金爵無

太尉心勤雨似有星官起作霖吹幽舞殿從來
有直是中天遶陽九后土平乾翠嶺橋行塵半
渴飛魚口靈臺開筴變離爻天子身親衣白茅
木道孝文祠北苑且看光武出南郊素服齋居
還減膳詔止帷宮復辭聲遙憐百郡有譏彈未
許三公行策免東西千里欲朝饑大廟還宣奏
捷威忽報風靈猶占虜仍遲露雨一沾衣加恩

洞壑掄才俊下粟郎襄止流殪臺符詔獄有反
除織室陶官俱減進蠲圭食玉本精勤更待何
人出紫雲獨宿山陵祈帝祖因歌雲漢感吾君
天妃宮玉皇閣夕眺

寶蓋珠幢青佩裙拂雲來謁斗中君因攀帝閣
臨元氣却過雷門動紫氛諸天蒼莽開南嶺下
視塵衢思矯首繡嶺平分草樹前清淮半出人

家後還緣帶路俯東軒
睨飛鱗儀鳳門
表裏都城如玉切
高低道院以雲屯
參差向北隨形勢
雉堞御蜂窠
逶迤可憐平
圓不抽花
未許招山徒
植桂起躡梯
袖倚西標樹
影潮音入暮聽
山中氣接江流白
江上山連浦口青
青山四面廻靈澤
二百年來深
栝柏能棲寶
露是風朝會
徙陰煙宜月夕
夕暉山色靄
松門仙家日
氣也

詩

四卷

九

黃昏若待少年婚宦畢經須猿鶴怨王孫

夜月太玄樓

在神樂觀

芙蓉花發出城遊江光雲色映芳洲下榻縈回
金碧影開燈還動紫華樓樓前嫋嫋垂雲幃樓
上嘈嘈奏天樂何如邀佩戲層城直似吹笙停
半嶽輕風拂袖解人醒急雨能添別院清高興
明星一回首琪樹蒼茫河漢聲

太玄樓留客

有亭不高良已清開虛作牖仿層城能通月色
和煙色可聽風聲襍雨聲紫閣流雲應可掬玄
樓夜色迥明燭也知清興未能闕便合移壺就
深竹風燈密竹雨珠跳漪漪擘擘又瀟瀟偏多
宿鳥翻冥密自有啼虫隱寂寥人家草樹空成
列仙家洞館能清絕花間着屐總成遊竹裏吹

笙殊可悅回闌側袖倚烏巾此雨持沾衣上塵
若道我疲玄夜酒相看誰是竹林人

代書寄可上人

三十二相君不少衣鉢隨身一飛鳥可知捉塵
幾十年陌上遊覓看不了知君不住瑯琊山元
封主人堪閉關遠公龍泉在香嶽頗有住實能
亂還蘆門江上西風入畫裡行人高戴笠幽巖

勝處一窺臨高座熒熒雨花濕

觀閩海游徵君南陽草屋圖歌

西窗蠟石寒秋燈蘇蘇海屋疑嶽騰乃是丹青
拓雲樹寒棠欲往殊不能但見蒼松翠竹珊瑚
幹遠氣冥蒙幕天半南溪煙月影恒流北嶺雲
嵐光不散就中海人心寄邈不愛寶珠恒繼藟
有子抽書作郎吏當時習隱相漁樵須知鹿門

能貴身不羨隆中長嘯人出門慷慨亦閒事君
不見無諸臺畔海生塵

吹笙歌送謫禹金

感嘆龍君揚郡丞沈君
與太史姜孟頴明府

紫袂春衣可曾絮絲竹西州可曾去秋水微波
木末亭秋花半菊吳陵署從官迫鬱有三年似
汝驕奢留幾處邀權托宿故言寒罷酒更衣幾
愁曙新林小婦寄書來一種風流許君據朝紫

鉛華妾自知夜拂蘭幃君不御
梅生開書欲長
曉托道留連在山水卽知遊子幾曾遊
自說美人詎知美先時拾翠凌陽池
憶汝吹笙出桃李
天涯此日龍使君世上何人沈太史
已覺叢殘
姜令非空驚綽約梅生是津途
變化裁十年光
響消浮只千里潮水長看三往還
交態今誰一
生死何況青眉并皓齒美酒銷
憂只如此

答王恒叔給事憶丁鄒二君

赤城芙蓉青桐柏煙霧連山海氣白中有懷人
幽意多却對墀庭芳草積金書婉戀風霞闌窈
瑟透迤月露夕飄飄欲羨茂陵人鬱鬱自憐金
馬客秋風祠下颯驚春逐日江東佳氣新分作
十年陵署客曾無一日犯齋人忽昨開軒細流
酌中酒中寒愁閣竹圃雙童會煮茶紗窻少

婦聞吹藥開門上馬即人間
陌頭喜見鍾陵山
幾處池臺招不去
有時山水醉忘還
道士天壇
長稽首玉女星
樓時進酒激玉調
笙世上無鳴
鷄吠犬天中有
王郎奏事日
幾封清顏秀筆動
天容每侍夔龍集
東省曾窺鸞鶴下
中峰傳來
玉價連城起
祗愁蘭葉當門委
山川白雲徒聞
之日月河清
今有幾鄒生
玉律悲迴
風御史無

詩

四卷

三

雙行殿中豈有片言觸天上亦隨二美遊江東
江東佳麗殊未央持以待君君莫忘星軒倘使
碧鷄路斗酒相迎朱雀航

送饒伯真之天台兼訊王給事

明德長君
五松子

羅公弟子真神仙煙裴靈宿能經年晝採靈花
肝姪宅夜調春酒神公泉武夷幔亭曾拂首子
晉中峰一攜手尋師直泛昆池蓮懷人戲折燕

堂柳雨時誰到天台峰大羅真人各五松五松
一去光響滅曾誰伐鼓朝天宗汝今再響天台
策淮水金碑註桐柏寧言六代有衣冠且道千
門對巾幗由來此地足煙霞綠海春深汝憶家
若見方平留畫扇爲報麻姑掃落花

爲郭考功題趙松雪山水歌

曉對鍾陵暮城闕開燈半壁蒼崖折就中可有

鍾子期遠勢疑無趙松雪松上徘徊多素雲
雲波繚繞出峰文何人似對琵琶峽寂歷橫琴如
有聞如聞吹末蕭蕭起隱隱層岩落春水香爐
之雲無盡時君家武夷亦如此

渤海臺歌

東海張公比舍郎高柳番池拂我牆念此清人
亦古色自言瀛州有草堂鹿苑香臺復何有留

與遊人着杯酒此中宜杏復宜桃能添醉色春
雲高翠柏參天槐影地歷落提壺春酒至時有
藤花落酒杯蒼雲曉靄幔亭開拋英弄酒客隨
意隔葉時聞歌笑來睥睨壓雲寒大澤蠅蜒往
見蛟龍跡月出臨窺下深黑隱映樓臺樹光空
別有幽人行嘆息問君解蘭不歸得君今過家
當入朝我家飛館蔭河橋江南橘香送君有剪

致猶餘青葉條鄉心滿眼寒溝潮太平郎吏宜
逍遙君不見魏之干水秦茅焦

送胡孟弢應制兼懷趙夢白劉子玄

蓮花峰頭君不住桃葉渡前君復度張燈作酒
臨珠絃美人一曲傷遲暮鄉心寧道隔山川客
鬢慙愁泥風露揮轡極目長安雲畫屏回首江
南路君今與我非少年君容故好能談天傾坐

惟須綠玉管結交底用黃金錢誰言耳目都非
是始悟肝膽長不然數年喜讀絕交論昔歲曾
看游俠篇酌酒對君心不展北斗臨城路東轉
非關遊子易披離自是世途難儼蹇多揀獻歲
入西秦卽漸殘年泊東交江外含梅冰雪深河
陽着柳春風淺春風魯酒送行軒青莎襍樹難
攀援舍人就詩柏梁殿方朔上書金馬門風塵

陌上新知樂煙雨江南舊客憐不見恒山趙夢
白爲問汝南劉子玄

送王伯禎同顧吏部兄弟登三山

今年南中冰雪多凍飲青琴無艷歌小歲忽覺
一年盡春風邇來十日過客中且對宜春婦堂
上瀕闕正且酒何須楚澤動鄉心且作吳歛度
京口青衫試拂鄒溪簪美人江上問迴潮玉京

諸峰若浮霧廣陵城郭似青霄京口美酒今如
何憶我當時遊曲阿意氣未如荀郎將生年飲
過王清河

寄馬尉雲中

生兒作女湏學藏男學作奏與拍張拍張乍可
行邊野作奏殊當耀殿堂豪情自喜作遷客數
日典衣行治裝清淮被病秋色遠雲中擊劍春

詩

四卷

三

暉長見說名王
夸漢物傳聞
代女愛胡粧
男兒
一作邊城尉
仕宦何必尚書郎

寄賀知忍清齋

葱陵杳靄江煙深
懷人不見愁光陰
已覺清和
臨夏首可憐
駘蕩接春心
與君芳意何冥暮
相憶西齋坐
玄寂鮮風乍
獵芙蓉開
調露似聞珠
樹滴少年能事
卽清真何須不玩
帝城春
仙官

自有華陽逸友道還期伊洛人

送于公禩歸金壇

年少金多亦不惡能畧入品僅能作莫因長者
避風流自是各人好音樂秣陵可遊風景多衣
簪首夏猶清和與君芳意何曾盡別岍芙蓉生
淥波

送劉玄于使歸

詩

幾歲芳矜散城闕草綠煙波瀆雲月河梁斗酒
會須傾雲閣寸心終未絕劉生風義汝南人何
年青鬢帝城春上憐徐樂獻書晚人識相如乘
傳新星軒擘擘金陵道清暑開尊愜倫好那堪
晏歲雪紛紛直是行人心草草見說淮南津吏
迎還將歌吹度蕪城足歷五都有留贈才傾一
壘爭知名歸去梁園動春色一種風心吹臺側

情知愛少亦爲郎爲許含香能見憶琴絃意氣
復何云經須垂晚立功勳不似世儒重文法
堪簪筆事明君

送乳林齋經入東海見大慈國寄達師
峯

大勞僊人憇復憇乳林印經南無南小劫愁春
七年七大海行人三月三此日青城流梵唱達

詩

四卷

三

觀大師汝和上華手纔抽寶葉雲香心正宿蓮
花藏汝去東行入海邦汝師西映玉輪江音光
寂寂雨花暮獨宿風吹明月幢

招梅生篇

敬亭雲飛出祠署新林夜客遊何處翻翻桂樹
可重來宛轉花中詎能去青絲係馬綠楊條斜
簪細帽作輕飄打擲浪催桃葉苦投壺醉嚼蘆

花嬌擽知着處能唐突爲許穠情兼弱骨寧知
有女泣春雲不悟同人候秋月同人秋月對河
津翠竹流螢風露新空拋錦字持招客無那香
纓欲挂人

董光祿招遊城南三蘭若同南海曾人舊

卽事

新秋縹緲孤飛鶻我與世人殊恍惚董公自是

詩

四卷

三

心期人片語相邀出林樾洞庭曾生颯前往白
覺嶺海氣超忽峰雲昨夕水波生細雨微寒弄
織葛主人小憇長干寺世界微明水天佛聖母
蓮花誰送致東海紫衣長信謁開經錦毳照掀
翻乞食香厨能細滑忽然興寄盡飛鳥別自亭
臺生木末虛壑階前山翠微夕陽樹裏江明活
隨意觥籌就花雨滿目山川映雲物北瞻陵嶽

東霞開南候方山西日沒井里依微界斗城宮
殿玲瓏對天闕丹陽王氣隱崢嶸紫海帝江相
遶幹西北薇垣燕氣高東南地軸吳鄱濶董公
繡衣歷河華曾生草履過閩越各自論都有形
勢獨此開天正葱鬱得生中華在倫好况直太
平卧簪紱且追金策度神臯爲拂寶花依佛窟
高僧神理舊微茫吾曹酒意新疎豁已覺數年

兼吏隱復是同人思清越河漢無梁過七夕海
上靈槎占八月董公早晚未留滯曾生信宿當
明發銅盤碧藕青絲壺乘閒醉就雲公歇

送曾人蓓由武夷還南海

桂樹之南梅花渚洞庭山人曠幽阻挾日丹霞
不作雨中星大火初流暑芳榭凝巖怕着人水
壺貯雪湏留汝行看障壁盡涼風坐見星河流

織女帝鄉雲氣來蒼梧遊子秋風生白紵
木葉先秋鳴蟋蟀草根深夜語三千雲海風初
積四十才名春未舉葱崖赤微問流人花州石
壁藏僊侶我友祁生久溟漠半歲孤兒今幾許
卽死何人懷報珠此生在日能張楚有才歷落
宜自愛君休頓挫神色沮珊瑚鏡臺明月珠結
采飛光無處所直爲豪情貪驛結豈少金錢學

詩

四卷

三

羈旅洪都僂候我沈冥建溪秋色君容與南中
桂樹秋芬氲笙歌一曲武夷君獨笑幔亭星月
夜爲憶西山鸞鶴羣

送周宗太遊泰山

吾郡東鄉人
自號劍石子

吳門佳山亦無幾飛風積雪淹遊子咫尺佳遊
難定期何況懸情說千里陶陶孟夏清淮深君
從泰山遊孔林侵星發掉浦江曉追風息策琅

那陰淮南泗上寧疇昔魯酒曹衣嘆行役漁歌
向月杏壇人鷄鳴看日蓮峰客登高望海幾時
還應聞鴻鴈入江關莫信人言天下小孔遊殊
未出鄉山

太常謝公北泊天妃宮有作來年正剋立

春

謝公前使琉球感
天妃神光濟海焉

漢使河源虛織女君得天妃下神語海氣雲驚

詩

四卷

三三

葉壁山江關雪憶梅花嶼白澤賜衣金佩刀神
鯨怪燕爭波濤精氣自凌晨氣遠功名早遂風
雲高只言世上堪平步候氣尋針非此路常依
北闕玩芳華暫向南都瞻玉樹南北園陵佳氣
重太常新入近天容况復青郊候祈穀立春春
朔幾人逢

署客曹浪喜

今冬寒多忽作煖羊脂臘酒青凝椀
達曙留連歌笑言蓮花漏水今宵短
點燭侍兒熏繡衾新綿細帖令人懶
始怪明星出不低何來曙鳥啼都滿
疎窻小竹真蕭瑟淺帳寒梅動疎散
客省經知無印開祠曹報說添人管
比闕雲霞青髮疎南朝煙月歸心歎
鍾鼓空思長樂宮江山別築忘憂館
四十頭顱君不知爲看年來衣帶緩

榆林老將歌

奇萬
丘澤

榆關將軍紫花額自言能拂雙枝戟登臺望虜
識風塵度積尋營知水脉娶妻胡語能胡言盜
馬與官多得錢石州雖殘虜多死榆林獨出兵
氣全項綠互市邊籌假市馬與軍非善馬牽過
倒死卽湏償就中更有難言者餘謂老將學耕
耘後來兒子不能軍但願英雄不生虜境零無

火更何云

邊市歌

中興漢水天飛龍天街月氣何雄雄已深吉囊
占河曲偏多俺答嘯雲中二十年中俱老死分
頭住牧多兒子一從先帝許和戎盡說銷兵縱
行李也知善馬不能來去去金繒可復回未愁
有虜驚和市且是無人上敵臺別有帳中稱寫

契解誘邊人作奸細上郡心知虜騎熟西州眼
見孤軍綴也先種色何紛紜五千餘里瞰胡羣
不說遼邊小王子殺降前後李將軍

鳳臺同人望句曲

金壇陵西六十里岫穴層連曳句已青芝碧檢
搖春林夕露朝霏翠靈藎秣陵煙雨青冥闢江
嶼迴帆颺落梅世路悠悠忽不慊爲借風花長

命杯樓臺罷望青歌歇珠窻掩映仙桃發方看
石道起雲霞試與松門弄煙月君不見秦皇嘆
息東遊來伐鼓鳴鍾山谷哀美玉未斷真人氣
幾度春心臨鳳臺

重過石城碣

石城二十四花樓江南置酒飛花愁在處胭脂
久零落不知冠蓋能風流拾翠江邊猶記否含

笑含頰送君酒滿目秋光無盡時自折蓮塘花
下藕

文登羽客謁齊王子宿天妃宮

四十爲郎忽欲老海月江花真草草何處煩憂
著此身誰人未老思僊道客卿行色滿煙霞上
孫故國多梨棗每說從人大父遊安知不羨兒
童好長嘯相看君意明珠闕干須自保玉女

祠前雲氣流春官署裡明星早忽忽臨風吹玉
笙蒼茫欲認鷄鳴島

凌陽篇

金城石室晝氤氳岩竇曾棲漢令君朝飡飲日
赤黃氣春食流空葱翠雲爲愛凌陽僊侯美竟
日清談縣中理綠水飛看白玉魚丹書教服曾
青髓已知兄弟逐絃聲復聞妻子好吹笙參差

二女青童侍窈窕雙簫白鳳迎江上絃歌一迎
送雲表笙簫遠按弄斜睨白嶽白龍飛直駕黃
山黃鶴控龍津鶴苑駕翩旋地脉呈臺吐玉泉
砥道冲飛翥七粒懸知服食已三年精靈歲月
潛遊陟氣候煙霞難望識朝祠勝節罷中元夜
谷餘光空五色蓉城秋浦送飛軒紫霧春潭濯
夢竟未見雲光同葉縣且欣風物似花源

送杜給事出憲延安并問高君桂吳君正

志二郎吏

杜諱華先失同鄉楊太宰意出

金臺桃李氣相新
接手徘徊君意親
君向河灘作星使
予從江表寄波臣
不謂君遷亦南省
祠曹歲月蒼梧影
雖知歷落映心期
未及留連盡煙景
何知卽出鎮西軍
晴雪芳臯歸鴈羣
少婦將雛裁滿月
尊君割錦正停雲
吏迹牽旋從此

詩

四卷 三六

始邊候烽煙殊未擬由來計策重諸生似是人
情薄鄉里豸綉牙旗君少年何必男兒不在邊
甘泉健令宜君尉獨笑爲郎江閣眠

江東歌

三山江上翠崔嵬
草綠風煙春氣和
天宮繚繞
金陵麓人家映帶
秦淮河迴廊屈曲
通晴雨馳
道流離望月波
南中富樂風塵少
天下娛遊子

弟多悠悠滿目經時歲忽忽盈懷阻嘯歌意氣
周郎三國盡文情庾信六朝過江南丈夫會早
天春心不飲蕩如何

玉茗堂全集

詩

四卷

三九